



ҚАЗАҚСТАН ҰЛТТЫҚ БАНКІ

АҚПАРАТТЫҚ ХАБАР

2016 жылғы 6 желтоқсан

Қазақстандықтар жария ету жөніндегі науқан шеңберінде 7900 астам банк шоттарын ашты

Жария ету жөніндегі науқанның қолданылу кезеңі ішінде 2014 жылғы 1 қыркүйек – 2016 жылғы 30 қараша аралығында банктер 7917 банк шотын ашып, оларға шамамен 2 трлн. 860 млрд. теңге салды. Бұл туралы бүгін ҚР Ұлттық Банкінің Төрағасы Данияр Ақышев Қазақстан Республикасы Үкіметінің отырысында сөйлеген сөзінде хабарлады.

Д.Ақышев 2016 жылғы 1-30 қараша аралығында 2501 банк шотының ашылғанын, шамамен 652 млрд. теңге салынғанын нақтылады. Бұл ретте 2 трлн. 558 млрд. теңгеден кем емес шетелдік валютада, басым түрде АҚШ долларымен жария етілді, бұл жалпы жария етілген ақша сомасының 89%-ын құрайды.

«Жария етілген ақшалай қаражаттың жартысынан көбі 56% банк шоттарына қолма-қол нысанда салынды. Қолма-қол емес аударымдар арқылы 44% аударылды, оның ішінде 14%-ы шетелдік банктердегі шоттардан аударымдар», – деді Д.Ақышев. Ол сондай-ақ ақшаны жария ету мақсаты үшін шетелден Қазақстан Республикасына ақша негізінен Швейцариядан, Ресейден, Сингапурдан, Ұлыбританиядан, Лихтенштейн Корольдігінен түсті деп толықтырды.

Сонымен қатар, қаржы реттеушісі басшысының ақпараты бойынша арнайы шотта қаражатты сақтау бойынша талаптың күшін жоюына байланысты, азаматтар жария ету рәсімдері аяқталғаннан кейін ақшаны арнайы шоттардан қайтадан әдеттегі банк шоттарына аударуды жөн көреді. Жария ету кезеңі ішінде арнайы шоттардан басқа банк шоттарына ақшалай қаражаттың 59%-ы аударылды. Бұл ретте, Д.Ақышев атап өткендей, жария етілген ақша негізінен Қазақстанның банктерінде ашылған банк шоттарына аударылады. Шетелдік банктерде ашылған шоттарға жария етілген ақшаның 7%-ына жуығы аударылды.

Ұлттық Банктің Төрағасы 2016 жылғы 1 тамыздан бастап азаматтың қалауы бойынша салық органдарына декларацияны екінші деңгейдегі банктер арқылы беру мүмкіндігі іске асырылатынын хабарлады. Д.Ақышев атап өткендей, бүгінгі күні азаматтардан осындай өтініштер түскен жоқ.

Облыстар бойынша ақпаратқа қатысты айтатын болсақ, ашылған шоттарының саны және оларға салынған қаражат бойынша Алматы, Астана қалалары, сондай-ақ Оңтүстік Қазақстан, Қарағанды облыстары алда келеді.

Облыстар бойынша ақпарат (2016 жылғы 1 желтоқсандағы жағдай бойынша)

Қаланың, облыстың атауы	Есепті кезеңдегі операциялар		алдыңғы аймен салыстырғанда (%)
	ашылған шоттар, бірлік	шоттарға салынған қаражат (мың теңге)	
Астана қ.	837	290 973 864	47%
Алматы қ.	4 090	2 203 520 712	24%
Ақмола облысы	84	19 770 522	91%
Алматы облысы	36	3 292 361	213%
Ақтөбе облысы	192	36 429 490	71%
Атырау облысы	79	26 346 826	42%
Шығы Қазақстан облысы	64	7 307 586	61%
Батыс Қазақстан облысы	140	6 050 090	44%
Жамбыл облысы	107	8 918 376	19%
Қостанай облысы	291	19 720 032	153%
Қарағанды облысы	509	97 208 051	56%
Қызылорда облысы	197	4 620 226	44%
Маңғыстау облысы	45	5 257 408	36%
Павлодар облысы	68	8 213 800	91%
Солтүстік Қазақстан	82	12 658 605	8%
Оңтүстік Қазақстан облысы	1 096	109 408 833	46%
Жиынтығы:	7917	2 859 696 783	30%

Қосымша ақпаратты мына телефондар арқылы алуға болады:

+7 (727) 2704 585

e-mail: press@nationalbank.kz

www.nationalbank.kz